

四明叢書

張宗祥



囊雲文集目錄

卷一

論

至誠與天地同久論

書

與念尼王兵憲書

附復書

序

壽顯之孫親翁序

贈邵得魯母夫人六十序

贈王水功母胡夫人八十序

寶嚴詩序

雪竇誌序

天井鏡宗禪師語錄序

墓誌銘

明誥贈通議大夫兵部右侍郎諡忠節磊齋吳

夫子墓誌銘

大司馬上蔡邵公墓誌銘

題跋

范香國史評題辭

長如弟四課次韻題辭

包惕三詩題辭

題敬可兄手書詩韻

書于石詩稿後

書王水功述客問答失先大人茗翁遺像說後
書不爲高祖東藩府君乞傳乞誌銘乞入鄉賢

祠

跋董太史韋吾公與新塘周公札後

說

木爐說

夢說

卷二

記

襄雲記

襄雲樂記

雲樹記

聽法華記

記游姜山語

游烏峯記

記過蛟川舟次語

石蓮採茗記

瘡臥記

隱潭詩記

蘭影記

初入薦峯紀事

三上薦峯紀事

銘

囊雲髮冢銘

引

採芝小引

傳

外祖父母無事傳

母舅傳

王父一事傳

先子玄水府君小傳

附立之叔氏題先子傳小序

東皋叔祖傳

黔思南二千石德林叔氏後傳

世臣叔小傳

四叔傳

楚英邱先生傳略

明處士董非能先生傳

莊母傳

聞母葉夫人小傳

補遺

始可與言序

始可與言又序

始可與言古語序

始可與言古諺序

始可與言詩序序

始可與言樂府古詞序

始可與言古詩序

始可與言唐詩序

壽汝翼二叔六旬序

從叔紫雲先生暨配全孺人墓誌銘

明殉節江都令雪松從姪傳

囊雲文集卷二

明鄞 周齊曾唯一著

囊雲記

至剡曲曰阮出人家屋角東行數百武望隔水岵山如
海波從風起伏一峯逆流奔注西北作盤渦狀摺處分
數股中夾一澗下送至溪欲入瓢須從溪溪須筏須舟
須梁筏須竹舟須板須篙楫梁須架木須編柴卽負以
涉須人肩背腳力或呼不至須待吾有脛豈不便如山
深入幾寸骨況除雨漲甚一日半日卽石出深不過踝

以上淺僅沒腓吾不惜吾脛自不懼水懼冷懼沙石齒
齒齧吾足板人莫不便於有所須有所須卽聽於物聽
於人將盲人跛人不如矣故不舟不筏不梁不人止用
吾脛從驚湍濺濺中行數十武卽山腳一徑漸次轉擢
上有石如屋如城堞如門闕如人立如臥如偃仰有澗
蜿蜒如奔蚪有泉掛低壁雨後如飲虹晴如撒珠有木
有草不栽而花或出石頂或出石罅或雜叢綠裏如繡
如抹如潑徑盡乃抵瓢瓢所有唯雲與煙香俱遠與楊
枝水俱淨與露俱潤涼可代茗濕可供沐供浴爲墨汁

供書寫在花底圖香使不漏在暑炎氣頓息勝夫餘松
石在月夕時幻蛭蝨出沒在雨爲龍爲雷聲光百出然
則吾卽奉雲爲大和尚以滿前多多木石作座下大眾
以逼側不上數畝地數椽茆當大叢林儘覺寬然有餘
雲來不來雲去不去木石常住不常住唯見雲之無非
木石木石之無非雲一座囊雲始其住

囊雲案記

溪園瓢疇園溪孔道一綫互疇中擔者負者提者攜者
衣履而徒步者捉襟見肘腳不襪而首無所戴者後踵

越前踵去而前踵若退者從瓢下視如蟻相呼引類以趨一物夫彼道上人豈盡不奔忙卽不活欲暇不得者乃自甘牛馬以較吾瓢中人或不如也但恐瓢中人尙作瓢外想便如牛馬瓢中人止作瓢中見便牛馬不如曾不如瓢前馬面一塊山長在瓢中不離瓢外長在瓢外不離瓢中疇外一帶低聳不過十丈餘又澗圍之疇又圍澗自囊雲腳下至此而溪而疇而山而澗而疇而巒石凡四五重始數萬仞屏風復從澗創立中高處三四頂別出青冥外明是幾尊殿裏底則此案未始非不

瓦不椽之瓢誰謂一座囊雲不又是此案之案囊雲主
人曰入瓢以足望案以目足費幾轉摺高下而或日之
半或日復半其日至者目一瞬至是足以漸故鈍日以
頓故捷然目與足兩不能自至其所至者無頓漸也無
頓漸無所爲至無所不至故無謂盲人跛人不全於足
目

雲樹記

闕囊雲斬去峯腰叢綠突露枵然心空者三面圍一面
可容人入立坐其膚理半如螺黛如大佛頂又如口大

開直視僮侗雖高不盈丈抱之須人三手臂知其歷歲久也但不識來自何年兼不識是何名余甚異其狀恐露立之不免樵者薪而終沒沒矣移入屋底經歲多過而不問雪竇石老人來不啻如遠客久忽晤一家人喜不自置以雲樹呼復題云片段孤雲一樹頭何年遺住碧峯幽等閒收入茆蓬底不到人間作雨儔然則數百十年榮落不違時而常住一處者樹也非樹也昔木假山出自蘇家又得蘇老爲之記故岌然三峯名存到今而蘇子當日不竟作木山記多卻中間一字假便話作

兩楸名猶到今存向使蘇子而在聞雲樹名讀雲樹詩
落筆作記當更不同其所以存彼岌然三峯者固徒以
其名歟可見石老人詩遠過蘇老記且幸此楞然心空
者之得遇知己也爲岌然三峯之所不如

聽法華記

不道耳聾邀過麗山聽講法華出囊雲十五里水定來
遂以兩聾人看啞子喫苦瓜去舟宿次日抵廟角頭東
南望小小土阜叢篠碧色中一刹竿搖颺多人先後如
蟻集不問知是講法華麗山少頃鐘聲來二三里外誰